

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Sa (shtrenjtë) kushton dita e parë e shkollës? Top Albania Radio
ADRESA	https://www.topalbaniaradio.com/sa-shtrenjte-kushton-dita-e-pare-e-shkolles/
BURIMI	topalbaniaradio.com
GJENDJA	online

KOHA


KAPUR NGA NE	14 shtator 2026, 06:48:33 UTC <i>Dritarja jonë e pasigurisë: ± 900 s — intervali me të cilin e kontrollojmë këtë burim.</i>
DEKLARUAR NGA PORTALI	14 shtator 2026, 06:34:10 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	cee47e0394aa2760366f46e0e63db4f5027ba994fbf3f6e905bfeb1cb73fc7e3
TEKSTI	253bd881b13c717d526057bb976e2b1901bd0a4ec0b524f6f8f6c3b582359e32
PAMJA	5009fa80de1e42de0bcc74ba9796ee78a7388003e16c3a28676bbb755c82d71a

ZINXHIRI I PROVËS

KJO HYRJE	dd187295345b3d1bb0dca64b94a1bfcd7f89f84827f8748d9dfc408b7f4f46d0
E MËPARSHMJA	—
RRËNJA MERKLE	7f30966000672975708e7c492689d739f9d4667f12adc4270686e28ed502fc27
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/dd187295345b3d1bb0dca64b94a1bfcd7f89f84827f8748d9dfc408b7f4f46d0>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



Aktualitet Sociale

Sa (shtrenjtë) kushton dita e parë e shkollës?



Dorjana Lato

14 Shtator 2026



Rikthimi në shkollë ka një paradoks: arsimi publik është falas, por hyrja në të nuk është. Një vërtetim i çmimeve në Tiranë tregon se, nëse një familje duhet të blejë nga e para çantën, kancelaritë, atletet dhe një garderobë bazë, shporta e shtatorit mund të arrijë rreth 37,200 lekë për një fëmijë. Për dy ose më shumë fëmijë, fatura bëhet e kripur...

Shtatori ka një mënyrë të vetën për t'i bërë shpenzimet e vogla të duken të mëdha. Një fletore kushton pak. Një laps po ashtu. Edhe një bluzë, e marrë veçmas, nuk duket si një goditje për buxhetin.

Por, shkolla nuk nis me një fletore, një laps apo një bluzë. Ajo nis me një listë. Dhe listat kanë zakonisht një pakëndshëm që, kur mblidhen, të prodhojnë një shifër krejt tjetër nga ajo që prindi kishte në mendje kur hyri në dyqan.

“

Në të njëjtën shportë përfundojnë fletoret, stilolapsat, lapsat me ngjyra, vizoret, kutia e lapsave, materialet e vizatimit, mbështjellëset e librave dhe dhjetëra artikuj të tjerë që kushtojnë nga disa dhjetëra deri në disa qindra lekë secili. Pastaj vjen çanta, zakonisht një nga blerjet më të mëdha të fillimvitit. Pas saj atletet, pantallonat, bluzat, veshjet sportive dhe, sipas shkollës, uniforma.

Dhe kjo është vetëm dita e parë. Rikthimi në shkollë nuk është një shpenzim i vetëm, por fillimi i një serie të vogël pagesash që vazhdojnë edhe pasi ka rënë zilha e parë. Një material që mësuesi e kërkon më vonë, një fletore tjetër, fotokopje, mjete për një projekt, një palë atlete që duhen vetëm për fizikulturë apo një veshje që mungonte në blerjet e para.

Në familjet ku ka dy apo tre fëmijë, këto shpenzime nuk shumëzohen gjithmonë në mënyrë të drekte, sepse disa gjëra mund të trashëgojnë nga njëri fëmijë te tjetri, por presioni mbi buxhetin

rritet ndjeshëm.

Për një familje që mund të ripërdorë çantën e vitit të kaluar, të blejë vetëm disa rroba ose të presë uljet, kostoja mund të jetë dukshëm më e ulët. Për një tjetër, ku fëmija ka ndryshuar masën e këmbës, çanta është konsumuar dhe garderoba duhet rifreskuar, shtatori nis praktikisht nga zero. Kështu, kostoja e shkollës nuk përcaktohet vetëm nga çmimi i artikujve, por shpesh edhe nga ekonomia e ripërdorimit.

Çanta nuk është më një çantë

Për çantën, çmimi ndryshon sipas materialit, përmasave, ndarjeve të brendshme, strukturës ergonomike, pranisë së rrotave dhe aksesoreve shtesë. Por jo vetëm. Një pjesë e diferencës lidhet me markën dhe licencën. Personazhet e filmave dhe animacioneve, klubet sportive apo markat e njohura e zhvendosin produktin nga kategoria e një mjeti të zakonshëm shkollor drejt një artikulli ku paguhet edhe dizajni dhe emri.

“Kjo ka ndryshuar edhe mënyrën se si blihet çanta. Për prindin, kriteret mund të jenë pesha, rezistenca dhe mundësia që të përdoret për më shumë se një vit. Për fëmijën, vendimi mund të nisë nga një kriter krejt tjetër: personazhi, ngjyra, modeli apo ajo që kanë zgjedhur bashkëmoshatarët. Në pikën ku takohen këto dy kërkesa përcaktohet edhe sa do të shpenzohet.

Për familjen, zgjedhja ka edhe një llogari tjetër: sa vite do të përdoret. Një çantë prej 6,000 apo 7,000 lekësh që reziston dy ose tre vite mund të rezultojë më ekonomike sesa një model më i lirë që duhet zëvendësuar çdo shtator. Por kjo llogari funksionon vetëm nëse çanta nuk bëhet e vogël, nuk dëmtohet dhe, ndoshta më e rëndësishmja për fëmijët, vazhdon t'u pëlqejë edhe vitin tjetër.

Fletoret janë të lira. Shportat jo

Kancelaritë janë shembulli më i mirë i aritmetikës së shtatorit. Një fletore 32-fletëshe kushton nga 25 lekë deri në 150 lekë, në varësi të cilësisë së fletës dhe cilësisë së kapakut. Kuletat e mjeteve shfaqen rreth 1000-2500 lekë, ndërsa paketa me lapsa apo stilolapsa mund të kushtojë nga disa qindra lekë deri në rreth 1,200 lekë, sipas modelit dhe markës.

“Pastaj vijnë ngjyrat, vizoret, kompas, mprehësja, goma, ngjitësi, gërshërët, fletorja e vizatimit. Secili zë duket i parëndësishëm. Së bashku, jo. Në shportën orientuese të “Monitor”, kancelaria dhe materialet bazë llogariten në rreth 11000 lekë. Kur shtohen elementë të tjerë, rritet pesha e pagesës së prindërve për një fëmijë.

Por, pjesa më e shtrenjtë e kthimit në shkollë mund të mos jetë fare ajo që futet në çantë. Është ajo që vishet.

Një vrojtim te shitësit e veshjeve dhe këpucëve sportive tregon se një bluzë për fëmijë shitet shpesh rreth 1,500-3,600 lekë, ndërsa një palë atlete për fëmijë lëviz gjerësisht: nga rreth 3,600 lekë për modele Champion, në 5,500-7,900 lekë për modele Nike dhe deri në 10,900 lekë për disa modele të segmentit më të lartë. Për adoleshentët, kostoja përfshin lehtësisht atlete 6,500-10,900 lekë.

Shportat orientuese e rikthimit në shkollë – 2026

Zëri	Sasia	Çmimi orientues (lekë)
Çantë shkolle	1	6,000
Kuti/kuletë lapsash	1	1,500
Fletore	10 copë	1,000
Lapsa dhe stilolapsa	1 set	1,200
Ngjyra, vizore, kompas, mjete të tjera	1 set	2,000
Shishe uji + kuti ushqimi	1 set	2,500
Atlete	1 palë	5000
Bluza	2 copë	4,000

Pantallona/xhinse	1 palë	3,500
Veshje sportive/tuta	1 komplet	3,500
Felipa/xhup i hollë	1	4,000
TOTALI		34,200

Shënim/ Shporta është një përlogaritje orientuese e “Monitor”, jo statistikë zyrtare. Çmimet janë rishikuar më 11 shtator 2026 nga oferta të publikuara online në Tiranë dhe vëzhgime dyqanesh. Për artikujt me gamë të gjerë çmimesh është përdorur një vlerë përfaqësuese e segmentit të mesëm, jo mesatarja aritmetike e gjithë tregut.

Totali supozon se artikujt kryesorë blihen nga e para; familjet që ripërdorin çantën, veshjet ose këpucët do të kenë një faturë më të ulët. Nuk llogariten librat, që për pjesën më të madhe të familjeve janë kosto e lartë.

Dy fëmijë? Një problem tjetër

Për një familje që nuk ka nevojë të zëvendësojë çantën, atletet apo të gjithë garderobën, fatura mund të jetë dukshëm më e ulët. Pikërisht kjo është arsyeja pse 34,200 lekët nuk duhen lexuar si një shumë që çdo prind do ta paguajë. Ato tregojnë se sa kushton një “reset” relativisht i plotë për fillimin e shkollës, me produkte të segmentit të mesëm.

Për dy fëmijë, e njëjta shportë tejkalon 60 mijë lekë, pra është më shumë se sa një pagë minimale. Po ta krahasojmë me pagën mesatare në vendin tonë, e cila sipas INSTAT është 90.119 lekë, shporta për një fëmijë është ekuivalente me rreth 38% të pagës mesatare; për dy fëmijë, pesha arrin në rreth 76% të saj.

Mënyra më e drejtpërdrejtë për të ulur faturën e shtatorit mbetet ripërdorimi: një çantë, një palë atlete apo veshjet që mund të përdoren edhe një vit tjetër mund ta ulin ndjeshëm shportën. Ndërsa familjet përpiqen të blejnë vetëm atë që duhet zëvendësuar, për tregtarët “Back to School” është një nga sezonet e konsumit, ku ofertat, setet dhe produktet e licencuara synojnë ta zgjerojnë listën përtej nevojave bazë./ Monitor

LAJME TË NGJASHME



Nis viti i ri shkollor, mbi 340 mijë nxënës në të gjithë vendin!
1.5 MIN



Nisja e sezonit shkollor, Hita për sigurinë në shkolla: Do të bëjmë kontrole të vazhdueshme
2 MIN



Viti i ri shkollor, ministrja Kumbaro me porosi për drejtorët: Siguria, etika dhe ndalimi i telefonave në shkolla
1.5 MIN



Regjistrimet në shkolla drejt fundit, Kumbaro thirrje prindërve: Mos e lini aplikimin për ditën e fundit
1.5 MIN



Ministria e Arsimit publikon kalendarin, ja kur do të fillojë viti i ri shkollor 2026-2027
1 MIN

MË TË LEXUARAT



Lady Gaga bëhet nënë për herë të parë



Flasin ekspertët/Gërhitja e partnerit nuk është thjesht bezdi, mund t'ju dëmtojë seriozisht shëndetin!



"Marshi për Liri" në mbështetje të ish-krerëve të UÇK, qytetarët nisin grumbullimin në Prishtinë



Para verdiktit, Kosova përcjell edhe njëherë mesazhin për ish-krerët e UÇK-së



Aksident në Selenicë, automjeti del nga rruga dhe bie nga një lartësi të madhe, humb jetën shoferi



Bëni kujdes me këto shenja të zodiakut/Për të flitruar i keni 'ekspertë' por për lidhje serioze, harrojeni!



Ilaçi që mund të rikthejë flokët te personat me alopeci të rëndë...



Shenjat e zodiakut që luajnë "viktimitëm" edhe kur kanë faj!



6-vjeçarja bëhet virale në rrjet, nis shkollën e vetme në fshatin me 40 banorë!



Daja para derbit me Partizanin: Do fitojë ekipi që do të bëjë më pak gabime, duhet të jemi gjithë kohës në ekuilibër!


EDITORI SUGJERON



Një dietologe tregon si të hani karbohidratet, proteinat, yndyrnat dhe fibrat për të kontrolluar...



Çfarë ndodh me trupin tuaj kur merrni ekstrakt çaji jeshil me kafeinë?!



Studim/Hemoglobina e ulët mund të çojë në...



Shumë njerëz e bëjnë çdo natë, por studimi i ri tregon një rrezik të fshehur!



Dëshironi të rregulloni kolesterolin?! Këto janë frutat që ju duhen...



Mendoni se po veproni mirë, por me këto ushqime po dëmtoni...




Kujdes! Këto ushqime nuk duhet t'i përzieni kurrë me vitaminën D...



Vaj ulliri me hudhër është i shëndetshëm për organizmin?! Ja se çfarë ndodh në të vërtetë...



Proteinat bimore apo proteinat shtazore?! Ja se cilat janë më të mira...



A duhet të stërviteni ndryshe gjatë menstruacioneve?! Përgjigjja mund t'ju befasojë...

RRETH NESH

Top Albania Radio promovon muzikën më të zgjedhur shqiptare dhe të huaj, me edicionet informative dhe një larmi programesh kulturore. 27 vjet transmetim, për të dhënë më të mirën.

KONTAKT

Address: Sheshi Italia 1, Arena Center, Tirana, Albania
Email:

Tel: +355 69 208 0500
+355 69 442 8873

COPYRIGHTS

Përmbajtja e këtij website është pronë e Top Albania Radio. Kopjimi, përdorimi apo riprodhimi i paautorizuar i tij, përbën shkelje penale.

LINKS

[Kontaktoni Marketing](#)
[Frekuencat](#)
[Aksesueshmëria](#)
[Mundësi Punësimi](#)
[Privacy Policy & Terms](#)



Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.